

Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaat

§ 1. Procenti aaqqiissutissaq nuussinikkut isertitat, akileraarutit, akitsuutit il.il. ukiumoortumik aaqqinneqarnissaannut tunngaviusussaq ukiunut aningaasanut inatsiseqarfusunut tamanut, inatsimmi matumani aalajangersakkat naapertorlugit angissusilerneqartassaaq.

Imm. 2. Procenti aaqqiissutissaq atorlugu aaqqinneqartussat tassaapput kisitsisit manna tikillugu atuuttuusut.

Procenti aaqqiissutissaq

§ 2. Ukiumi aningaasanut inatsiseqarfusumi procenti aaqqiissutissaq tassaavoq pisortani atorfeqartut ukiumi akissarsiaqarfusumi ukiumut akissarsiaasa, ukiumut akissarsiaqarfusumut siulianut sanilliullugu procentinngorlugu allannguutaat. Procenti aaqqiissutissaq uniffiup talerpiani kisitsimmik ataatsimik kisitsiseqartillugu naatsorsorneqartassaaq.

Imm. 2. Ukioq akissarsiaqarfusoq tassaavoq, ukioq aningaasanut inatsiseqarfusoq ukiunik marlunnik sioqqullugu ukioq.

Imm. 3. Ukiumut akissarsiat pisortani atorfeqartut ukiumut akissarsiaasa tamarmiusut, so-raarnerussutisiaqarnissamut aaqqissuussinernut il.il. akileeataassuutit sulisitsisunit isumagineqartut ilanngunnagit, ataatsimoortillugit sanilliunnerisigut naatsorsorneqartassapput.

§ 3. Procentip aaqqiissutissap angissusissaa Naalakkersuisut ukiut tamaasa kingusinnerpaamik augustip qaammataani nalunaarutigisassavaat.

§ 4. Procentip aaqqiissutissap il.il. naatsorsorneqarnissaat pillugu maleruagassat sukumiinerusut, matumani aamma maleruagassat ukiumut akissarsiat ineriartornerannik § 2 naapertorlugu naatsorsuinissami kisitsisitigut tunngavissat allannguuteqartarnissaannik aamma piffissap suliffiusup il.il. allannguuteqartarnissaannik naatsorsuutiginnittut Naalakkersuisunit aalajangersarneqarsinnaapput.

Maannakkorpiaq aningaasarsiat

§ 5. Maannakkorpiaq aningaasarsiat tassaapput inuup qaammatini 12-ini aningaasarsiai akileraaruteqaataasussat aamma soraarnerussutisiai, Aningaasarsianit akileraarutit pillugit Inatsisartut inatsisaanni § 39 a-mi pineqartut.

Imm. 2. Maannakkorpiaq aningaasarsianik naatsorsuinermit ilanngaatineqartassaaq inuup ukiumi

anigaasarsiorfusumi, tapiissutitinnut tunniussinissaq pillugu aalajangiiffusumi, akiliutissanik il.il. angissusiliiffusumi ilanngaata aalajangersimasooq, Anigaasarsianit akileraarutit pillugit Inatsisartut inatsisaanni § 21, imm. 2-miittoq. Inoqutigiit maannakkorpiaq anigaasarsiaata tunngavigalugit aalajangiisoqassappat, inuit 18-it inorlugit ukiullit ilanngaataat aalajangersimasooq ilanngaatigineqartassanngilaq, soorluttaaq inoqutigiinnut ataatsinut inummut ilanngaatit annerpaamik marluk ilanngaatigineqarsinnaasut.

Imm. 3. Naatsorsuinermit ilanngunneqassanngillat:

1) soraarnerussutisiaqarnissamut aaqquissuussinernut Anigaasarsianit akileraarutit pillugit Inatsisartut inatsisaanni § 39 a-mi taaneqartunut akiliutit akileraaruteqaataasussat, aamma

2) Pisortanit ikiorsiissutit pillugit Inatsisartut peqqussutaat naapertorlugu ikiorsiissutit.

Imm. 4. Naalakkersuisut maannakkorpiaq anigaasarsiaat naatsorsornissaat pillugu maleruagassanik erseqqinnerusunik aalajangersaassapput. Aamma soraarnerussutisiaat § 39 a-mi pineqartut aamma akissarsiaat, Anigaasarsianit akileraarutit pillugit Inatsisartut inatsisaanni § 70-imi § 71-imilu pineqartut akileraarutit ilanngaatigineqartinnagit nalinginut qanoq naatsorsorneqartarnissaat aammalu anigaasarsiaat il.il. ilaasa ilanngunneqartannginnissaat Naalakkersuisut aalajangersarsinnaavaat.

Imm. 5. Inuk qaammatini 12-ini anigaasarsianik akileraaruteqaataasussanik akissarsiaqarsimanngippat imaluunniit Anigaasarsianit akileraarutit pillugit Inatsisartut inatsisaanni § 39 a-mi pineqartunik soraarnerussutisiaqarsimanngippat, Naalakkersuisut maannakkorpiaq anigaasarsiaat naatsorsorneqarnissaat pillugu maleruagassanik erseqqinnerusunik aalajangersaassapput.

§ 6. Inuup maannakkorpiaq anigaasarsiaasa 5 procentimik tassanngaluunniit anginerusumik allannguuteqarnissaat naatsorsuutigineqarpat, maannakkorpiaq anigaasarsiaat maannakkorpiaq anigaasarsiaassatut naatsorsuutigisat tamarmiusut tunngavigalugit naatsorsorneqassapput.

Atortuulertia

§ 7. Inatsit 1. juli 2018-imi atortuulissaaq, atuutissallunilu ukiumut anigaasanut inatsiseqarfusumut 2019-imut procentip aaqquissutissap angissusilerneqarnera aallarnerfigalugu.

Imm. 2. Inatsisip atortuulersinneqaneratigut Anigaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaat nr. 29, 28. november 2016-imeersumi § 2, imm. 3 atorunnaarsinneqarpoq.

Namminersorlutik Oqartussat, ulloq 1. juni 2017

Kim Kielsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut